

六
典
通
考

六典通考卷百十九

湖西閻鎮珩輯

禮制考

歷代大喪禮

皇太后皇后皇太子皇妃喪禮附

唐元陵遺制喪儀及山陵制度務從儉約不以金銀彩飾天下節度觀察團練使刺史等不須赴哀敕到後出臨三日皆釋服無禁婚娶祠祀酒肉其在宮殿中者朝夕各十五舉音皇帝三日聽政十三日小祥二十五日大祥二十七日釋服其宗子五等以上不限遠近同赴山陵初崩將復高品五人常服以大行皇帝袞冕服左荷之外自前東靄當屋履危北面西上三呼而止投衣承以篋自阼階入以覆大行皇帝之

上復者徹殿西北扉降自後西雷其復衣不以襲斂浴則去之設御牀于殿內楹間去脚舒單簟置枕遷大行皇帝于牀南首以衣覆體去死衣楔齒用角柶綴足以燕几校在南東西列哭位嗣皇帝以下舒草薦焉奠用酒脯醢器用吉器使使告喪所至集州縣官及僧道將吏百姓等于州府門外素服向京師重行序立百姓左僧道右男子前婦人後使者立官長右告云上天降禍大行皇帝今日某日奄棄萬國刺史以下撫膺哭踊盡哀止哭使者宣大行皇帝遺詔刺史以下又哭十五舉聲使者又告皇帝某日卽位刺史以下再拜稱萬歲三百姓及州縣佐史朝夕巷哭各十五舉聲三日釋服節度觀察團練使刺史並斬紼經杖諸吏服斬紼無經杖大

小祥釋服將沐浴內有司爲墜于殿西廊下累塊爲竈新盆盤瓶鬲皆濯之陳西階下掘埴陳明衣裳帛巾一方尺八寸沐巾二浴巾四皆用帛練櫛及浴衣實于篋內掌事者奉米潘及湯各盛以盤并沐盤升自西階授沐者以入嗣皇帝妃公主等悉出帷外嗣皇帝以下在殿東楹間北面西上內命婦以下在殿西間北面東上立哭旣沐而櫛將浴內執事六人抗衾御者四人浴拭以巾拒用浴衣設牀于大行東衽下莞席上簟浴者舉大行易牀設枕埋其鬚髮斷爪盛于小囊大殮內棺中著明衣裳以方巾覆面以大殮之衾覆之內外入就位哭將含內有司奉盤水升堂嗣皇帝出盥手洗玉若貝寶笄執以入西面坐發巾徹枕奠玉貝于巾右大臣一人

親納梁飯次含玉訖嗣皇帝復位執服者陳襲衣十二稱實以箱篚承以席去巾加面衣訖設充耳著握手及手衣納舄乃襲旣襲覆以大殮之衾乃闢帷內外俱入復位哭所司設十有二旂杠九仞旂委地又設銘旌以絳廣充幅長二丈九尺題曰某尊號皇帝之柩設重於殿庭近西南其制先刊鑿木長丈二尺橫者半之取沐之米爲粥盛以鬲翼以疏布懸於重內橫木上以葦席北向屈兩端交於上綴以竹篴將小斂侍中版奏中嚴御府令設牀于大行西南首備枕席加幄帷周以素帷主衣先陳衣十九稱及絞衾南領西上前二刻開宮殿諸門諸衛勒部仗衛如常式前一刻侍中奏外辦禮儀使引嗣皇帝及皇子等扶引各卽位從臨者哭內謁者引

諸王及百官各入就位執禮者稱哭在位者皆哭侍御小臣升殿先布衣于絞上乃遷于衣上舉衾而斂以次加衣十九稱畢乃結絞而衾焉進侍扶嗣皇帝哭進跪馮大行興哭踊無數扶引還次尚食奉饌列殿東太常博士引司徒省饌升設于大行東齋郎取爵于筐受酒跪奠興嗣皇帝以下哭踊如初諸行事者降退奉禮郎稱止謁者引諸王還內省禮使奏嗣皇帝哭止近侍扶引退偃次內外侍臨者代哭不絕聲大斂前三刻侍中版奏御府設牀如前所司陳衣百二十稱及絞紵衾并六玉南領西上衣必朝祭及五時正服前二刻開門陳仗衛設皇帝位于殿東西向前一刻引諸王以下就位皇弟于皇帝位東稍北西向南上皇子于皇弟之東亦南

上皇叔在皇帝位北稍西南向西上皇叔祖次皇叔之東皇從父兄弟在皇子北稍東南上諸公主長公主大長公主以下並于西階北牖下西上通事舍人引百僚入侍中版奏外辦內高品扶皇帝就位典儀曰再拜禮儀使奏請再拜皇帝哭踊再拜在位者皆哭踊再拜十五舉聲禮儀使奏請止哭內外皆止哭內高品扶皇帝就次諸王公主以下百僚各就次中宮內官掌事者皆盥訖升斂如小斂次加衣畢乃以組連珪璋璧琮琥璜六玉而加焉所司以梓宮龍輅絛等陳于殿西階下司空引梓宮升自西階置于大行皇帝西南首加七星版于內加席褥于版上以黃帛裹施仰薨畫日月星辰龍龜之屬施于蓋陳衣及六玉斂訖中官奉大行皇帝卽梓

宮以白素版書應入梓宮內物稱名進入然後加蓋覆以夷
衾皇帝哭內外皆哭太祝酌酒進授皇帝執爵進奠少退禮
儀使奏請止哭內外皆止哭太祝跪讀文維某年月日哀子
嗣皇帝臣某敢昭告于考大行皇帝日月過速奄及大斂攀
號擗踊五內屠裂謹以一元大武柔毛剛鬣明粢薌合薌其
嘉蔬嘉薦醴齊尙饗

後祝文
准此

皇帝再拜哭踊在位者皆再拜

哭踊十五舉聲禮儀使奏止哭左右高品扶皇帝還次諸王
公主以下各還次旣大斂內所由執龍輜左右綽引梓官就
西間將監引所由并柏暫等升自西階設熬黍稷盛以八筐
加魚腊等於龍輜側南北各一筐東西各三筐於西面纍之
先以繡黼覆梓宮又張帟三重更以柏木方尺長六尺題奏

爲四阿屋四面塗以白泥攢事訖所司設靈幄於攢宮東東向施几案服御如常儀侍臣捧褙裳冠經杖盛以箱就次進皇帝諸王公主以下及百僚各服其服光祿卿率齋郎捧饌入陳設禮儀使引皇帝至位哭內外皆就位哭既定陵地使就其所卜筮之掌事者設次於陵地東南太常卿泣卜祝及卜師筮師几行事者皆吉服掌事者布筮席於元宮南北向西上贊者引泣卜者及太祝立於筮席西南東向南上卜師立於太祝南東面北上贊者引使者詣卜筮席南十五步當元宮位北向贊者少進東面稱事具泣卜者進立於使者東北西面卜師抱龜筮師開籒出策兼執之執籒以擊策進前泣卜者命曰維某年某月朔日子哀子嗣皇帝某謹遣某官

某乙爲大行皇帝度陵地無有後艱卜師筮師俱諾遂述命於右旋就席北坐命龜曰假爾泰龜有常命筮曰假爾泰筮有常卜筮訖興各以龜筮東面占曰從贊者引使者退立東南隅西面若不從又擇地卜筮如初儀啟前一日門下省奏某日某時啟太極殿攢宮其日質明皇帝纓經杖入就位晨哭諸王纓經去杖入就位哭鄜公介公皇親諸親等及文武九品以上各服初喪服去杖入就位哭公主以下纓服入就位哭中官皆布巾喪馭侍衛晨哭並再拜退位前二刻設奠席香燭於帷門外奉禮郎設盥洗於東階下西南北面盥水在洗東筐在洗西南禮生一人執拂光祿卿具太牢饌設罇站位於奠席東南北向加酌羣禮儀使立罇站東御史立罇

站西太祝奉禮郎立罇站南前一刻侍中版奏外辦禮官贊
執事官入就階下位禮儀使等橫行以西爲上再拜升就位
禮官省饌光祿卿引饌升自東階近侍引皇帝纓經就位哭
踊禮儀使跪奏請再拜皇帝再拜諸王妃主等各就位展哭
禮官贊太尉再拜又一人贊羣官再拜哭十五舉聲禮官各
贊止哭禮生引太尉盥洗爵升自東階詣罇站所太祝舉爵
酌醴齊以授太尉禮儀使跪奏請皇帝止哭奉皇帝之杖前
進中官承傳止哭殿內皆止哭太尉跪進醴齊皇帝受醴齊
跪奠於饌前俛伏興少退立太祝跪讀祝文奠版俛伏興皇
帝再拜哭踊殿內及庭中百官皇帝諸親等皆哭十五舉聲
止禮儀使跪奏獻畢請皇帝退復位禮官引太尉及禮儀使

降復階下位所由徹饌訖皇帝退就次禮生引司空執巾升
自東階於攢宮南北向立司空跪啟曰謹以吉辰啟攢塗太
尉哭羣官皆哭通事舍人分引羣官序出掌事者升徹攢塗
徹訖司空以巾拂拭梓宮覆以夷衾納幕內所由周廻設帷
及施常食之奠如常儀訖禮儀使升就舊位禮官陪後皇帝
纓經就位哭通事舍人分引羣官入就位皇帝稽顙禮儀使
請再拜皇帝哭盡哀禮儀使跪奏請止哭降出羣官再拜哭
十五舉聲訖又序出薦車馬明器前二日所司設帳殿庭帳
內設吉幄神座南向又設龍輜素幄于吉幄右前一日除殿
上輦障及階下凶庭并板城少府所由移旒附于重北典儀
設羣官夜哭版位如晨夕哭儀又設挽歌席位于嘉德門內

門外設挽郎挽士席位並左右序北向相對設鼓吹嚴警位
于承天門外晝漏未盡三刻有司設庭燎終夜通事舍人分
引羣官就版位禮官贊哭哭畢退就次挽歌作盡二點止嚴
警次發盡五點止二更羣臣皆哭及挽歌鼓吹嚴警如上儀
每易更皆准此其日前二刻奉禮郎設御座所由設奠席奉
禮設盥洗光祿卿具太牢饌前一刻侍中奏外辦禮官省饌
光祿卿引饌禮生引太尉禮儀使等橫陳再拜訖升殿通事
舍人引羣官入就位禮儀使跪奏請皇帝止哭去杖中官傳
止哭如儀太尉以醴齊跪進皇帝受醴齊跪奠及大祝跪讀
祝並同啟奠儀皇帝再拜哭踊殿內及庭中百官皇帝諸親
等皆哭十五舉聲止禮儀使跪奏獻畢請皇帝退復位所由

徹饌內所由徹殿上帷帳唯南北施素帷于舊帳座所以爲障蔽前設常食少府監進輜車于西階下禮儀使跪奏皇帝奉寧龍輜近侍扶皇帝就龍輜前哭踊盡哀迺復位執事者以蘇旒及重先導禮官一人朝服贊尙輦奉御帥腰輿繖扇至神座前侍奉如常儀內侍捧几置輿上內謁者帥中官設香案繖扇侍奉如儀禮官一人引符寶郎一人主寶二人以赤黃褥案進取謚寶又禮生二人取謚冊如之並隨禮官先詣冊車安置其舊寶冊准次取置于車侍中當龍輜南跪奏請龍輜降殿太常卿帥執鬋者升以鬋障梓宮中官高品等侍側司徒帥挽士升奉引龍輜降殿禮儀使引近臣及宗子三等以上親進捧梓宮少府將作所由並挽士奉梓宮登于

龍車上遂詣帳殿下素幄皇帝哭從諸王等陪從公主內官等周以行帷皆哭踊而從羣臣立哭庭中俟祖奠前一刻奉禮郎設御位于龍輜幄之東南西向所由設奠席奉禮郎設罇玷光祿卿帥齋郎捧饌俟于橫街之次北面西上禮官進省饌訖禮生贊光祿卿捧俎進跪奠于席上諸齋郎捧饌隨之禮生引禮儀使及太尉就位禮官贊哭又一人贊羣官哭又各贊止哭禮儀使導皇帝立于龍車東南西向禮生引太尉盥手洗爵執詣罇玷所太祝舉冪酌醴齊以授太尉禮儀使跪奏請皇帝止哭奉奠皇帝去杖前進餘俱如啟奠儀自皇帝以下哭踊拜跪之節並同前儀皇帝退復龍輜後位羣官出就承天門外位光祿卿帥齋郎徹饌出禮官一人朝服

贊尙輦奉御帥所由以腰輿繖扇詣神座前內謁者中官昇香出內侍捧几置輿上內所由舉繖扇侍奉以出中官昇衣箱從之遂詣玉輅禮官贊登車內所由進當輅後繖扇分蔽左右內侍奉几登輅其腰輿亦進車輅前中官以衣箱授尙衣奉御置玉輅及副車並內侍乘馬從侍中跪奏稱請龍輅進發司徒帥挽士奉引次出執事者以太常先建之旂車繼次之公主內官以下先升車俟之其遣奠前三日所司設皇帝奉辭次于承天門外之左西向其曰鹵簿使先進玉輅輿輦鼓吹吉駕鹵簿序列于前又進輶輦車當承天門中稍南凶儀明器各以序列奠前一刻光祿卿具饌龍輅至承天門外禮官贊止哭侍中進龍輅前跪奏稱請升輶輦車俛伏興

司徒帥昇者及所由奉梓宮升輶輅車所司設奠席西向奉禮郎設罇坩及盥洗又設太尉版位于東西向禮官省饌禮生贊光祿卿及諸齋郎捧俎如前儀禮生引太尉就位其贊哭止哭太尉盥手洗爵詣罇坩所並同前儀太祝舉爵酌醴齊禮儀使奏請皇帝出就次皇帝出次立于奠東西向大祝以醴齊授太尉訖禮儀使奏請皇帝去杖前進中官承傳止哭太尉以醴齊跪進皇帝受醴齊跪奠太祝跪讀祝文奠版並同前儀皇帝哭踊禮儀使贊皇帝再拜諸王妃主及在位羣官等皆哭禮儀使跪奏請皇帝少退近侍扶皇帝少退少府監設讀哀冊褥于奠東禮官引冊案進舉冊官舉冊進至褥東西面以冊東向禮官贊止哭中官承傳諸王妃主等皆

止哭禮官引中書令進跪讀冊訖俛伏興退復位舉冊者以授祕書監祕書監以授符寶郎皇帝哭踊禮儀使奏請皇帝再拜太尉羣官諸王妃主皆哭再拜少府徹褥光祿徹饌禮儀使跪奏稱輶輳車將發皇帝前哭盡哀禮儀使稱請再拜奉辭俛伏興皇帝稽顙哭踊再拜輶輳車發禮儀使跪奏請皇帝還宮俛伏興近侍扶引皇帝入次太尉以下于次南橫行進名再拜奉辭如諸王有故不赴山陵者俟皇帝入次後諸王至輶輳之左以南爲上哭盡哀再拜辭如主內官不去者于輶輳車後帷中哭再拜辭訖禮生贊侍中于輶輳車前跪請進發訖乃屬三繆練紼于輶輳車爲挽凡六紼各長三十丈圍七寸執紼挽士虎賁千人袴褶介幘皆白布分爲兩

番挽耶二百人服白布深衣介幘助之挽兩邊各一縛挽歌
二部各六十四人八人爲列執髮品官左右各六人皆服白
布禱介幘左右司馬各八人皆戴白布武弁服白布襦無領
緣並執鐸代哭百五十人衣幘與挽歌同至時有司引列于
輶輦車之前後山陵日依時刻吉凶二駕循備列訖尙輦帥
腰輿繖扇詣神座前內侍捧几內謁者捧香爐各置輿上中
官昇衣箱出神輿至玉輅後內常侍捧几置輅中尙輿等退
就列中官以衣箱傳授尙衣奉御置于玉輅及副車中神駕
動警蹕如常于牛將軍夾輅而趨禮生贊侍臣上馬夾侍于
前禮生在供奉官內諸侍衛官各督其屬翊神駕動鹵簿官
以黃麾麾之鼓吹振作警蹕如常當陵門以赤麾麾之欽吹

不作侍臣下馬步導于前神駕至吉帷宮迴車南向尙輦帥
腰輿繖扇至輅後內常侍奉几置輿上繖扇侍奉至帳殿下
內侍捧几置座上內謁者捧香爐置座前輿等退就列玉輅
及鹵簿侍衛停列帷宮門外吉駕引禮官贊侍中進輶輦車
前奏請靈駕發引俛伏興退司馬執鐸挽郎執紼挽歌振作
及挽以進內外哭從以赴山陵至陵門西凶帷帳殿下迴駕
南向公主及內官以下並降車障以行帷哭于凶帳殿之西
東向北上羣官皇親哭者立帷門外東西相向北上哭十五
舉聲止各退就次前三刻奉禮郎于隧道東南量遠近設皇
親諸親奉辭位又于其南設文武官奉辭位每等異位重行
西面北上奉禮卽位其北禮生二人立其南差退內謁者于

隧道西南稍北帷內設公主王妃及內官以下奉辭位東向
北上前一刻所司設奠席設盥洗于東南盥在洗西篚在洗
東光祿卿以饌奠于席上禮官引太尉洗爵詣罇所太祝
酌醴齊太尉跪奠于饌前俛伏興太祝跪讀文訖奠版俛伏
興太尉再拜在位者皆再拜發引至南神門將作監進龍輅
于靈駕後禮官贊侍中進輶輶靈駕前跪奏稱請降靈駕御
龍輅俛伏興退舁梓宮所由迺奉遷梓宮至龍輅舁梓宮官
左右捧從司空以巾拭梓官并拂夷衾少府屬緇于龍輅禮
官贊侍中進龍輅前跪奏稱請引龍輅卽元宮俛伏興退挽
郎執紼奉引龍輅左迴北首禮官贊司徒前導白幟弩素信
幡大旒及翬皆依次而引近侍夾進如禮官導通事舍人引

太尉先導于龍輜之左主節官帥持節者脫節在太尉前差
退代哭者及挽歌皆序于門外之西重行東向押官排比以
俟皇親諸親羣官等哭從公主王妃及內官等障以行帷龍
輜至羨道停于帷下南首時妃主內官以下于羨道西南帷
內就位東向哭通事舍人分引羣官皇親諸親各就奉辭位
所由各贊哭在位者皆哭其吉鹵簿侍奉官少前序立于門
外之東西向北上哭皆三十舉聲止再拜奉辭至時內官以
下吉服奉遷梓宮入自羨道奉接安于御榻褥上北首覆以
御衾龍輜退出其押吉鹵簿官並服白布巾衫就哭將掩元
宮並服吉服初梓宮降自羨道奉禮郎設太尉進寶冊贈玉
幣位于東南西向設禮儀使奉寶冊玉幣位及祕書監位禮

官導通事舍人引太尉以下俱公服就位又導持節者服節

衣禮部侍郎奉寶綬案謚冊案哀冊案每案四人對舉

用品以九

上清資官昇立于太尉西南少府監奉贈玉置于匣捧立禮部侍

郎之西太府卿奉幣元三纁二置于篚捧立少府監之西俱

北面之後

按元衣纁裳依周制

禮官導通事舍人引禮部侍郎取寶綬

進授太尉又禮生一人引祕書監取謚冊哀冊進授禮儀使

冊重則判官助舉又引少府監取玉于匣并薦巾又引太府卿取幣

進授禮儀使以幣承巾玉龍輅既出禮儀官分贊太尉禮儀

使奉寶冊玉幣降自羨道至元宮太尉奉寶綬入跪奠于神

座西禮儀使以謚冊跪奠于寶綬西又以哀冊跪奠于謚冊

西又奉玉帛跪奠于神座東並退出復位禮生引將作監少

府監入陳明器白幡弩素信幡翼等分樹倚于牆大幡置于
戶內其跌竿燒之餘明陳布訖內官以下並出羨道就位所

由贊內外哭羣官皇親諸親并侍奉官皆哭三十舉聲再拜

又再奉辭退出中官贊公主王妃並退出周以行帷至門乘

車扈從禮生導主節官帥持節者引太尉及司空山陵使將

作監御史一人監鑣閉元宮司空復土九鍤所司帥作工終事其先

除服者並改服凶儀鹵簿解嚴退散輶輳車龍輶之屬于柏

城內庚地焚之將啟太祝啟置捧神主置座上東向諸侍奉

官及輿繖等各退將虞祭所由陳杖衛如式典儀設太尉司

徒宗正卿禮儀使及諸行事官位于太極殿東階之東太祝

位于前少南如不親行事中又少南設典儀位俱西向典儀

書門下差奏攝

帥禮生二人先就次禮生乃引太尉司徒以下祭服立于左
延明門外之南北向西上光祿卿捧饌太祝捧祝版禮生迺
引太尉司徒以下入就位通事舍人分引羣官皇親諸親皆
素服入侍中版奏中嚴皇帝素服就次諸王升就位如不獲親莫即太尉行事
光祿卿捧饌入俟升設醴餼酒罇于帷門外前楹中間之東
北向西上設筐于罇西實解一杓一皆有罍設盥洗于東階
之東北向罍水在洗東筐在洗西南肆實爵二巾一有罍執
罍洗者立于後侍中版奏外辦近侍扶皇帝再拜通事舍人
分贊羣官在位者哭拜禮生引禮儀使省饌升就位光祿卿
進饌奉饌司捧俎設于帳東門外席上太尉捧祝版升立于
罇所禮儀使導皇帝于饌東西面禮儀使跪奏請皇帝止哭

奉奠承傳皆內外止哭太祝以觶酌醴齊跪進皇帝受醴齊
跪奠俛伏興太祝持版北面跪讀祝文奠版俛伏興禮儀使
導皇帝復位跪奏請再拜皇帝哭再拜禮生引太尉亞獻終
獻訖降復位如常儀通事舍人分贊內外哭再拜禮儀使又
跪奏請再拜俛伏興皇帝哭再拜奉禮郎傳贊內外再拜禮
儀使跪奏禮畢俛伏興近侍扶皇帝還閤羣官等俱退太祝
乃跪奉置神主遂閉帷門降出祝版焚于左延明門外祔廟
前二日所由脩腰輿等并舁人帝以三衛后以中官太祝先匱代祖神
主奉遷于西夾室室中次腰輿遷第三室神主二主各一腰輿凡主出則
帝主先出其人入第二室宮闈令捧后主太祝捧帝主置于
室則后主先入入第四室至第八室迭遷如上儀幄帳等物各

遷入本室其九室幄帳香案斧展席褥等所司先造其日陳設室中將遷代宗睿文孝武皇帝所司擇日奏定前一日太廟四門量設方色兵仗將作監先清掃廟之內外京兆府修路從承天門向南入太廟三門又向南又向東至門宗正具耐饗料差三公及應行事官齋戒如常饗儀

其祝文具耐饗章出祕書省

尚舍于廟南門道西設神主帳座東向幄內設牀席褥黼展香案如式內中尚先造栗木主并置及跌耐前一日盛以箱覆以帕置于腰輿詣廟南門幄帳中太祝捧置座上迺下簾帷其日質明太祝以香湯浴栗主拭以羅巾題主官盥洗就褥題云代宗睿文孝武皇帝神主墨書訖以光漆重橫之遂捧授太祝受詣帳座置于匱中前一日尚舍會鴻臚除太極

殿上白幕以吉幕代之殿中省除版城太儀進玉輅于承天門外及諸輦輅羽儀仗衛繖扇耐饗日質明開朱雀門大內畱守與內檢校使奏開太極殿門嘉德門承天門太廟南門外設百官次如在太極殿庭儀宗正卿帥執饌齋郎光祿卿帥太官良醞寶饌俎豆皆祭服序列于左延明門以俟至時祭官升殿行事通事舍人引文武百僚常服入就位禮生贊眾官再拜在位者皆再拜尙輦帥腰輿香案繖扇入侍從官攝侍中中書令以下並左右序立太僕進玉輅于嘉德門外禮生引祭官行告禮宗正卿光祿帥齋郎長祠徹饌禮官引侍中升尙輦帥腰輿升詣帳座前其繖扇侍臣等夾于階門侍中跪奏請降座升輿內侍捧几置輿上太祝匱神主捧

置輿上几後扶侍降自西階繖扇侍臣夾引以出至嘉德門

侍中跪奏請降輿升輅內侍捧几置輅中太祝捧匱升輅

其太

祝千幣中侍奉

千牛將軍夾路而趨出承天門五十步侍中跪奏請

敕侍臣上馬鼓吹振作其文武百官等各逐便先赴太廟南

門次以族神輿鹵簿至廟門西三門鼓吹止玉輅將至尙舍

奉御設奉謁褥位于廟庭橫街南當中北向通事舍人引文

武百官及皇親諸親等常服就南門外位禮生引應饗官祭

服立廟東門外北向西上又禮生引禮儀使御史以下執事

官等先入當中階北向立于褥位之南禮生贊再拜禮儀使

御史以下皆再拜引司空入就位再拜行掃除訖降復位禮

官與太祝自西第一室開埽室出神主宮闈令啟后主匱出

主並置于座几後，踏上自第一室至第八室，皆如上儀。齋郎宮長各于本室依儀出入。玉輅既至廟南門，迴輅南向，尙輦帥腰輿進輅，後侍中跪奏請降輅，升輿詣幄座內侍捧几，置輿上。太祝捧神主，匱置輿上几後，遂昇詣幄座內侍捧几，置座上。東向太祝捧匱，置几後。禮生引太尉以下入就廟庭位，西向立。神主升殿，侍中進跪奏請降座，升輿，耐謁內侍捧几，置輿上。太祝捧栗木神主，匱置几後。神輿至廟庭褥位，太祝捧匱跪，置于褥，啟匱出神主，置于趺上。侍中進北面跪奏稱：「以今吉辰，代宗睿文孝武皇帝耐謁少頃，侍中東面跪奏請升輿，耐饗太祝跪捧神主，匱于輿。」其匱蓋亦置輿上近後腰輿既升，禮官奉引神輿詣元宗室。太祝跪捧神主，匱置于東壁下耐位。

褥上西南少頃太祝復捧主置于輿奉引入第九室至帷座

前內侍捧几置于座

如幄中別有几其几畱于腰輿而退

太祝捧神主置于曲

几後跌上

以題處向北也

其匱置于几東近後禮生贊再拜太尉以

下及在位官並再拜禮生白太尉有司謹具請行事登歌奏

永和之樂九成畢禮生贊再拜太尉以下及在位者皆再拜

禮生引太尉盥洗執瓚升詣第一室酌鬱鬯登歌作太尉裸

訖奠瓚于饌席俛伏興退出再拜次引詣第二室至第九室

皆如常儀登歌止太尉降復位太祝奠毛血司徒執俎入門

雍和之樂作饌升階樂止徹毛血諸太祝取蕭蒿焚于壚炭

饌升設訖禮生引太尉盥洗執爵奏自第一室至第八室各

奏本室樂至第九室奏保太之樂行饗禮亞獻終獻降復位

登歌作太祝各入室徹豆還罇所登歌止禮生唱賜胙又唱

再拜眾官在位者皆再拜

其三獻官不拜

永和之樂作禮生又唱再

拜在位者皆再拜樂一成止禮生進白太尉禮生饗官自東

門出在位羣官南門出禮官帥腰輿詣廟門南幄下太祝捧

桑木主并置置于輿遂自廟門南西偏門昇入詣廟殿北簾

下將作先具欽鐻穿坎方深令可容木主匱遂埋之小祥前

一夕毀凶廬爲堊室

高七尺五寸長一丈二尺濶一丈將作監勾當

尙舍奉御設蒲

席內所由陳練冠于別次其日內所由先入整拂几筵薦香

燭內外俱服纓經去杖通事舍人引就位侍中版奏外辨皇

帝纓裳經去杖近侍扶就位西向哭在位者皆哭十五舉聲

禮儀使奏請再拜皇帝再拜在位者皆再拜近侍扶皇帝就

次所司以練布冠纓裳進服訖內外各服其服

兩省五品以上及卿御史

大夫中丞尙書省四品以上諸司三品以上正員長官准禮合除首級練八升布爲冠六升布爲纓裳其幘頭及衫袴准

此所換初服俟山陵時却服

近侍扶皇帝就位哭踊內外皆哭踊光祿卿

設饌靈幄前太祝以爵酌醴酒禮儀使奏請止哭如儀太祝

以酒爵授禮儀使禮儀使受酒跪進皇帝受酒跪奠太祝跪

讀祝版曰維年月日子哀子嗣皇帝臣某敢昭告于考大行

皇帝大禍所鍾攀號無及以日易月奄及小祥煩冤荼苦觸

緒縻潰謹以一元大武柔毛剛鬣云云讀訖禮儀使奏請再

拜皇帝哭踊再拜在位者皆哭踊再拜皇帝還次大祥前二

日內所司先具大祥服

淺黑純純幘頭冒子巾子前一日夕

將作塗堊室內所由陳大祥服如前日未明內外服纓裳去

杖入就位侍中版奏外辦皇帝綰裳去杖如小祥儀禮儀使

奏請再拜皇帝再拜在位者皆再拜禮儀使奏請止哭就次

變服近侍扶皇帝就次變大祥服內外皆就次變服素服訖

黑絁幘頭腰帶白衫麻鞋各入就位近侍扶皇帝就位哭踊禮官省饌光

祿卿設饌太祝五品以上供奉官一人攝執爵酌醴酒禮儀使奉引皇帝

稍進詣饌前禮儀使請止哭內外俱止哭太祝以酒授禮儀

使進皇帝餘俱同小祥儀禮儀使奏禮畢與禮官等趨出近

侍扶皇帝還次通事舍人引羣官序立太極門奉慰訖以素

服詣延英門起居譚變日百僚集西內侍中奏辦如大祥儀

皇帝服大祥服卽位哭再拜在位者皆再拜禮儀使奏請皇

帝就次除大祥服服素服細大麻衫腰帶細麻鞋黑絁幘頭巾子等百僚趨入就

位近侍扶皇帝入哭踊內外皆哭踊禮官省饌先祿卿陳設酌奠如大祥儀太祝讀祝文訖禮儀使奏請再拜皇帝哭再拜贊者承傳內外皆哭再拜訖禮儀使奏禮畢與禮官趨出近侍扶皇帝還次百僚序出至太極門外進名奉慰訖各服慘公服詣延英門起居明日平明皇帝改服慘吉服淡淺黃衫細黑施幘頭巾子麻鞋吉腰帶伏惟貞觀永徵開元故事服此服至山陵事畢則純吉服其中間朔望視朝及大禮並純吉服百僚亦純吉服自後朝謁如常儀其百官慘公服至山陵事畢乃服常公服

貞觀九年高祖崩詔山陵制度依漢長陵故事務存崇厚時限既促功役勞弊祕書監虞世南上封事曰昔漢成帝造延昌二陵功費甚多諫議大夫劉向上書曰孝文居霸陵悽愴悲懷願謂羣臣曰嗟呼以北山石爲椁用紵絮斮陳漆其間

豈可動哉張釋之進曰使其中有可欲雖錮南山猶有隙使
其中無可欲雖無石椁又何戚焉孝文感悟遂以薄葬又漢
法人君在位三分天下貢賦以一分入山陵武帝歷年長久
比葬陵中不復容物霍光暗于大體奢侈過度其後赤眉入
長安破茂陵取物猶不能盡無故聚斂爲盜之用甚無謂也
魏文帝爲壽陵作終制略曰昔堯葬壽陵因山爲體無封樹
無立寢殿園邑爲棺槨足以朽骨爲衣衾足以朽肉而已吾
營此不食之地欲使易代不知其處無藏金玉銅鐵一以瓦
器自喪亂以來漢氏諸陵無不發掘至乃燒取玉柙金縷骸
骨并盡是焚如之刑也若違詔妄有變改是爲戮屍于地下
死而重死不忠不孝使魂而有知將不福汝魏文此制可謂

達于事矣今爲邱壠如此萬代之後人但見高墳大冢豈謂無金玉也臣愚以爲漢文霸陵旣因山勢雖不起墳自然高做今卜地旣平不可不起宜依白虎通所陳周制爲三仞之墳其方中制度減少事竟刻石陵側書今封大小高下之式明器所須皆以瓦木不用金銀銅鐵使後代世世遵奉不易詔付所司詳議司空房元齡等議曰謹案高祖長陵高九丈光武陵高六丈漢文魏文不封不樹因山爲陵竊以長陵制度宏侈二文立規矯俗光武中興明主多依典故實謂攸宜伏願卽尊願命俯順禮經從之神龍元年十二月將合葬則天皇后于乾陵給事中嚴善思上表曰臣謹按天元房錄葬法云尊者先葬卑者不合于後開入臣伏聞則天大聖皇后

欲開乾陵合葬然皇后卑于大帝若開陵合葬是以卑動尊
恐非安穩臣又聞乾陵元宮其門以石閉塞其石縫鑄鐵以
固其中今若開陵其門必須鑄鑿誠恐多所驚瀆若別開門
道以入元宮卽往者葬時神位已定今更改作爲害益深漢
時諸皇后多不合葬魏晉以降始有合者然兩漢積年四百
魏晉祚皆不長望依漢朝故事于乾陵旁更擇吉地別起一
陵旣得從葬之儀又成固本之業疏奏令百官詳議尋有敕
令准遺詔合葬德宗初欲禪服終制下詔曰朕聞禮貴緣情
因心展孝高宗得說其代子言今朝有股肱足以保邦況茶
蓼在懷日時猶淺欲遂權度抑就公除攀號痛心實所未忍
朕將從禪服以終喪紀百辟卿士宜悉衷懷禮儀使顏真卿

奏曰哀號在疚開闢所無伏見百辟並已釋除事既合權禮無獨異不可以吉凶兼制臣子殊儀乞奉顧命順時卽吉則萬姓心安四万事集帝又下詔欲以素服練冠聽政詔曰昔高宗亮陰三年舜爲堯禹爲舜亦服喪三年故禮曰三年之喪自天子達庶虔奉遺詔又迫羣議將欲從吉未忍割哀其百僚宜以今月十七日釋服朕以素服練巾銜哀聽政凡百在位知朕意爲禮儀使又奏曰臣伏守遺詔禮從易月祥禫變除儀注皆備若陛下未忍卽吉更服練巾則遺詔不得奉行羣僚無以覲見乞俯順人望仰遵先旨天下幸甚故事皇太后崩中書門下翰林學士在朝文武官內諸司使供奉官以下從成服二日每日赴長壽宮朝臨自後不臨其服以日

易月十三日除至小祥日釋服每月朔月望小祥大祥釋服日未除服者衰服臨已除服者素服不臨並赴長壽宮先拜靈訖移班近東進名奉慰

後唐同光三年正簡皇太后遺令曰皇帝以萬機至重勿衣粗纓勿居亮陰三年之制以日易月過三日便親朝政皇后諸妃及諸王公主並制齊衰本服以日易月十三日除在朝百官及諸道節度觀察防禦使刺史僚佐官吏士庶僧道百姓並准故事降服勿使過制皇帝釋服不御八音勿廢羣祀勿斷屠宰勿禁宴遊園陵喪制皆從簡省太常禮院奏百官士庶各于本家素服一臨禁衛諸軍使以下各于本軍聽事素服一臨僧尼道士各于本寺觀一臨外命婦于本家素服

朝臨三日諸道節度觀察防禦團練刺史及僚佐等聞哀成服三日改慘十三日除從之

六典通考卷一百二十

湖西閻鎮珩輯

禮制考

歷代大喪禮

皇太后皇后太子及妃喪禮附

宋太祖遺詔如唐元陵制太宗卽位號哭見羣臣禮官言羣臣當服布斜巾四腳直領布襴腰經命婦布帕首裙帔皇弟皇子二品以上加布冠斜巾帽首經大袖裙袴竹杖士民縗素婦人素纓諸軍就屯營三日哭帝御長春殿去杖經服斜巾垂帽視事小祥改布服四腳直領布襴腰經布袴大祥服素紗軟腳折上巾淺黃衫緞皮鞋黑銀帶羣臣及軍校以上皆本色慘服鐵帶鞞笏諸王入內服衰出則服慘明年四月

啟攢宮帝與羣臣服如初喪朝哺臨退易常服發引帝衰服
啟奠哭羣臣入臨升梓宮于龍輜祖奠徹設次明德門外行
遣奠禮讀哀冊帝哭盡哀再拜辭釋衰道宮百官辭于鄴城
外太宗崩真宗散髮號擗制永熙陵皇堂深百尺方廣八十
尺陵臺方二百五十尺大駕鹵簿玉輅一革車五凡用九千
四百六十八人散髮之禮皇帝皇后諸王公主縣主諸王夫
人六宮內人並左被髮皇太后全被髮帝服
布斜巾四腳大袖裙袴帽竹杖腰經首經直領布襦衫白綾
襖服諸王皇親以下加布頭冠絹襖服宮人無被文武二品以上布
婦布裙衫被帕頭首經絹襖服宮人無被文武二品以上布
斜巾四腳頭冠大袖襦衫裙袴腰經竹杖絹襖服自餘百官
並布撲頭襦衫腰經諸軍庶民
白衫紙帽婦人素纓不花釵
靈駕發引其凶仗法物牽駕
兵士用萬二千一百九十三人挽郎服白練寬衫練裙勒帛
絹幘餘並如昌陵制真宗崩仁宗即位使告哀于契丹內侍

分領宮殿門衛士屯護皇城四面益禁兵器仗城門設器甲
辨姦詐大斂日有司設御坐簾幕皆綺縠羣臣敍班殿門外
帝衰服杖經侍臣扶升坐通事舍人引羣臣入殿庭西向簾
捲羣臣再拜宰臣升殿奏事如儀自是七日一臨至四十九
日止大祥帝改服慘皇堂深八十一尺方百四十尺陵曰永
定仁宗崩英宗立用定陵故事發諸路卒四萬六千七百人
治之三司請內藏錢百五十萬貫紬絹二百五十萬匹銀五
十萬兩助山陵及賞賁遣使告哀遼夏及賜遺畱物又以聽
政奠告大行近臣告升遐于天地社稷宗廟七月宰臣以下
請諡于南郊靈駕發引天子啟奠梓宮升龍輜祖奠徹與皇
太后步出宣德門虞主至皇太后奠于瓊林苑天子奉迎奠

于幄虞主如漢制不題諡號終虞行卒哭之祭禮院言故事
大祥變除服制以三月二十九日祥至五月二十九日禫六
月二十九日禫除至七月一日從吉案王肅以二十五月爲
畢喪鄭康成以二十七月通典加至二十七月終天聖中敕
斷以二十七月請以三月二十九日爲大祥五月擇日爲禫
六月一日從吉英宗崩葬永厚陵羣臣成服後乘布裹鞍韉
小祥臨訖除頭冠方裙大袖大祥臨訖裹素紗軟腳幘頭慘
公服乘皂鞍韉禫除訖素紗幘頭常服黑帶二日改吉服去
佩魚神宗崩葬永裕陵自復土六虞在途太常卿攝事三虞
行禮于殿四日卒哭五日耐廟范祖禹言自祖宗以來外廷
雖用易月之制宮中實行三年之喪故十二日小祥期又小

祥二十四日大祥再期又大祥既以日又以月于禮無據又禫者祭名非服色今乃爲終服三日然後禫此禮之不經者耐廟而後卽吉纔八月而遽純吉無所不佩此禮之無漸者宜令羣臣至期漸除重者再期釋衰餘則君服斯服至禫不必爲服禮部謂當循祖宗故事及先帝遺制從之哲宗崩徹宗卽位太常寺言太宗上繼太祖兄弟相及雖行易月之制實斬衰三年公除已後庶事相稱今皇帝用開寶故事爲哲宗服衰重今神主已耐百官服並純吉皇帝服御宜如太平興國二年故事禮部言太平興國中公除後除不舉樂外釋衰從吉今皇帝當御常服素紗展腳幘頭淡黃衫黑犀帶龔原言開寶時并汾未下祖宗櫛風沐雨其服制權宜一時非

故事也于是詔依元降服喪三年之制紹興元年隆祐皇太后崩詔服承重服徽宗崩于五國城越二年始知凶問上號慟擗踊不食宰臣力請方進少粥自聞喪至小祥百官朝晡臨自小祥至禫祭朝一臨太常寺言舊制沿邊州軍不許舉哀宜就所屯成服日朝晡臨故校哭于本營命徽猷閣待制王倫等爲奉迎梓宮使胡寅疏言大行太上皇帝大行宣德皇后蒙犯胡塵實由粘罕有不共戴天之讎禮讎不復則服不除寢苫枕戈無時而終伏覩聖旨以日易月臣切以爲非大行幽厄之中疾病粥藥必無供億崩殂之後衣衾斂藏豈得周備正棺卜兆知在何所陛下縱未能俟讎殄而後除服猶當革漢景薄喪以三年爲斷方今六師戒嚴誓將北討陛

下聽斷平決得禮之變卒哭之後以墨衰臨朝戶部尙書章
誼等言梓宮未還謚冊禮缺請依明德皇后故事行埋重虞
祭祔廟之禮虞祭畢而卒哭卒哭而祔廟小祥前卜日行之
異時梓宮至安陵改葬更不立虞主從之紹興十二年金人
以梓宮來還皇帝服黃袍乘輦詣臨平奉迎登舟易總服百
官亦如之既至安奉于龍德別宮皇后異殿禮官請梓宮入
境承之以柳有司豫備袞冕翬衣以往至則緝之柳中不復
改斂三十一年欽宗訃聞詔朕當斬衰三年是日百僚詣天
章閣聽詔舉哀哭畢詣几筵殿焚香高宗崩孝宗號慟二日
不進膳諭宰執欲寔行三年喪百官衰服治事二十日小祥
帝未改服詔五日一詣梓宮前焚香帝衰服素幄引輔臣及

班次禮官乞改服小祥之服去杖經禫祭畢改服素紗軟腳折上巾淡黃袍黑銀帶神主祔廟畢改服幘頭黑鞋犀帶帝批淡黃袍改服白袍自是每御延和殿止服白布折上巾布衫過宮則衰經而杖三月啟攢帝服初喪之服親行虞祭大臣言虞祭乃吉禮合用韠袍不從仍用布折上巾黑帶布袍又詔布素視事心實未安行之終制乃爲近古宜勿復有請大臣乃不敢言孝宗崩皇帝以疾在內成服太皇太后代皇帝行禮初高宗崩孝宗爲三年服及孝宗之喪有司請易月外用漆紗淡黃朱熹不以爲然奏言已往不及追改將來攢發引當用初喪之服詔百官皆以涼衫視事

按歷代國恤儀制惟東漢史稍詳至唐爲李義府許敬宗輩所創盡亡其禮故唐史無可攷宋九朝史及會要所載雖詳而儀注亦多未備獨文獻

通考存其大略今不著

建隆二年皇太后杜氏崩三日百官入臨明日

大斂贊于滋福宮百僚並服布斜巾四腳直領襴衫外命婦
帕頭幘裙衫太常禮院言皇后燕國長公主皇帝光義光美
並服齊衰三年准故事以日易月二十五日釋服二十七日
禫除畢服吉心喪終制從之禮院言唐憲宗母王太后崩有
司以謚狀讀于太廟然後上之周宣懿皇后諡卽有司撰定
奏聞修謚冊畢始告廟還讀于靈坐詔從周制孝明孝惠二
后陪葬安陵皇堂深四十五尺高三十尺陵臺再成四面各
長七十五尺神牆高七尺五寸四面各長六十五步南神門
至乳臺四十五步高二丈三尺吉仗用中宮鹵簿凶仗名物
悉如安陵而差減景德元年太宗明德李皇后崩帝去杖經

服衰卽御坐哀動左右太常禮院言皇后隨皇帝以日易月宗室雍王以下禫除畢吉服心喪終制章獻明肅皇后崩宣遺誥羣臣哭臨宗室削杖不散髮中書樞密使比宗室去斜巾垂帽首經及杖二品以上又去中單及袴宰相百官朝晡臨三日內命婦朝臨三日保慶皇太后崩太常禮院言皇帝本服總麻三月皇帝皇后服皆用細布宗室皆素服吉帶大長公主以下常服入內易素服三日而除詔加服小功五日而除元豐二年太皇太后崩宰臣王珪宣遺誥內外舉哭盡哀禮院言大行太皇太后山陵未畢俟掩皇堂去大行稱慈聖光獻太皇太后祕閣校理何洵直言古者葬在國城之北故平旦而往日中卽虞于寢後世葬地旣遠禮不能盡如古

今大行太皇太后葬日至第六虞當行于外其七虞及九虞卒哭宜行于慶壽殿太常言嘉祐治平並虞于集英殿宜如故事開禧三年吏部尚書陸峻言列聖在御間有諸后上仙無山陵可耐故別葬若上仙在山陵已卜之後無不從葬者惟元德章懿二后葬時名位未正續行追冊其成穆皇后孝宗登極卽行追冊改殯所爲憤宮典禮已備與元德章懿不同所以更不遷祔今來從葬阜陵爲合典故從之乾道三年皇太子薨東宮設素幄皇帝自內至幄易服皂幘頭白羅衫黑銀帶絲鞋就幄發哀皇后服素詣宮發哀陪位官並常服吉帶詣宮幕次發哀畢易吉服退自發哀至釋服皇帝不視事權禁音樂其小斂大斂合祭告以本宮春坊官行禮差護

喪葬事一員左藏庫出錢二萬貫銀五千兩絹五千匹成服日皇帝服期次粗布幘頭襴衫腰經絹襯衫白羅襪六宮人不從服皇太子妃及本宮人並斬衰三年百官服一日而除其合赴官祇應人並服布幘頭襴衫腰繫布帶本宮官僚並服齊衰三日哭臨七日而除賜諡日百官易黑帶行禮是夕皇帝詣東宮行燒香禮二日出葬宰臣上香酹茶奠酒舉冊官舉哀冊讀冊官跪讀訖宰臣再拜在位官皆再拜靈柩進行百僚奉辭于城外親王宗室並騎從至葬所掩壙畢退太常言國朝無皇太子小祥典禮將來莊文太子小祥日乞皇帝不視事先命侍從官常服行奠酹禮本宮官僚陪位慶王恭王常服奠酹畢退次太子妃及榮國公以下行家人禮至

大祥日焚燒神帛衰服間月行禪祭家人禮從之

遼聖宗崩興宗哭臨于敢塗殿大行之夕四鼓終皇帝率羣

臣入柩前三致奠奉柩出殿之西北門就輜輶車藉以素裯

巫者祓除之詰旦發引至祭所凡五致奠太巫祈禳皇族外

戚大臣諸京官以次致祭乃以衣弓矢鞍勒圖畫馬馳儀衛

等物皆燔之至山陵葬畢上哀冊皇帝御幄命改火面火致

奠三拜又東向再拜天地訖乘馬率送葬者過神門之木乃

下東向又再拜翼日旦率羣臣命婦詣山陵行初奠禮升御

容殿受遺賜又翼日再奠如初興宗崩道宗親擇地以葬道

宗崩敢塗于遊仙殿有司奉喪服天祚皇帝服斬衰皇族外

之餘官及承應人皆白梟衣巾哭臨特哩衰三父房南府宰

相約尼常衰九奚首郎君伊勒希巴國舅詳衰十扎薩克郎

君南院大王郎君各以次薦奠進鞍馬衣襲犀玉帶等物表
列其數讀訖焚表諸國所贈器服親王諸京留守奠祭進奠
物亦小斂前一日皇帝喪服上香奠酒哭臨其夜北院樞密
使契丹行宮都部署入小斂翼日遣北院樞密副使林牙以
所贈器服置之幽宮靈柩升車親王推之至食殓之次蓋遣
國舊俗于此刑殺羊以祭皇族外戚諸京州官以次致祭至
葬所靈柩降車就輦皇帝免喪服步引至長福崗是夕皇帝
入陵寢授遺物于皇族外戚及諸大臣乃命出以先帝寢幄
過于陵前神門之木帝不親往遣近侍冠服赴之初奠皇帝
皇后率皇族外戚使相節度使夫人以上命婦皆拜祭循陵
三匝而降再奠如初辭陵而還其上謚冊如唐宋禮
明太祖遺詔如漢文帝宋太祖故事諸國本國哭臨不赴京

中外管軍戍守官母離信地禮部議京官聞喪素服烏紗帽
黑角帶赴內府聽遺詔朝晡詣几筵哭三日成服朝晡哭臨
至葬乃止自成服日始二十七日除命婦孝服去首飾由西
華門入哭臨諸王世子王妃郡主內使宮人俱斬衰三年二
十七月除凡聽朝視事素服烏紗帽黑角帶退朝服衰服羣
臣麻布圓領衫麻布冠麻經麻鞋命婦麻布大袖長衫麻布
蓋頭明器如所用鹵簿神主制依家禮外官詔書到日四拜
聽宣舉哀再四拜第四日成服每旦朝闕設香案哭臨三日
除建文帝詔行三年喪遭革除制皆不傳文帝崩于榆木川
遵太祖遺制京師聞訃皇太子以下皆易服宮中設几筵朝
夕哭奠百官素服朝夕哭臨禮部定喪禮皇太子及諸王公

主斬衰三年二十七月除停音樂嫁娶祭祀止停百日文武
官聞喪詣思善門外哭五拜三叩頭不飲酒食肉四日衰服
朝夕哭臨三日又朝臨十日衰服二十七日凡入朝及視事
白布裏紗帽垂帶素服腰經麻鞋退朝衰服二十七日外素
服烏紗帽黑角帶二十七月除聽選等官衰服監生吏典僧
道素服赴順天府朝夕哭臨三日又朝臨十日命婦哭臨三
日俱素服二十七日除凡音樂祭祀並輟百日婚嫁官停百
日軍民停一月在外以聞喪日始三日成服哭臨餘如京官
命婦素服舉哀三日二十七日除軍民男女皆素服十三日
除如京師京官服給麻布自製四夷使臣工部給與諸王公
主遣官及內外文武官詣几筵祭祀者光祿寺備物翰林院

撰文禮部引起思善門外行禮禮臣請如遺命以日易月帝以梓宮在殯不忍易素冠麻衣麻經視朝退仍衰服羣臣聽便發引前三日遣官告天地宗社帝衰服告凡筵皇太子以下隨班行禮百官朝一臨前一日遣官祭金水橋諸城門并所過河橋及應祀神祠儀用酒果肴饌是夕設辭奠執事者設大昇輦陳葬儀將發設啟奠帝暨皇太子四拜奠帛獻酒讀祝四拜舉哀興哀止望座執事者升徹帷幙拂拭梓宮進龍輜設神亭神帛與謚冊寶與祖奠如啟奠儀內侍奏請靈駕進發捧冊寶神帛置輿中次銘旌出執事官升梓宮內執事持翼左右蔽降殿內侍官請梓宮升龍輜執事官以彩帷幕梓宮內侍持繖扇侍衛如儀帝由殿左門出后妃皇太子

親王及宮如隨至午門內設遣奠如啟奠儀內侍請靈駕進發皇帝以下哭盡哀俱還宮梓宮至午門外禮官請升大昇輦執事官奉升輦訖禮官請靈駕進發皇太子親王以下哭送出端門外行辭祖禮皇太子易服詣輿前跪捧神帛由太廟左門入跪置神帛于褥輿禮官跪奏太宗文皇帝謁辭皇太子五拜三叩頭禮畢皇太子跪捧神帛輿以授禮官禮官安奉輿中跪奏請靈駕進發皇太子仍喪服梓宮由承天門出皇太子步送至德勝門外乘馬至陵在途朝夕奠哭臨諸王皇親駙馬公侯伯及百官軍民緣途致祭至陵執事官先陳龍輅于獻殿門外俟大昇輦至禮官跪奏請靈駕降輦升龍輅詣獻殿執事官奉梓宮升龍輅由中門入皇太子親王

詣獻殿安奉訖行安神禮陳醴饌如常儀皇太子四拜奠酒
讀祝四拜舉哀興哀止親王以下陪拜遣官祀告后土并天
壽山設遷奠行禮如上儀內侍奏請靈駕赴玄宮執事官升
奉遷梓宮入皇堂安奉訖內侍捧謚冊寶陳列明器行贈禮
執事官陳醴饌奉玉帛皇太子四拜奠酒進贈執事官捧玉
帛跪進皇太子受玉帛獻以授內執事捧入皇堂安置四拜
舉哀興哀止遂掩玄宮行享禮如遷奠儀設題主案內侍盥
手奉主置案上題主官盥手西向題畢內侍奉主安于神座
藏帛箱中內侍奏請太宗文皇帝神靈上神主四拜獻酒讀
祝又四拜舉哀內侍啟櫝受主訖請神主降座升輿至獻殿
奏請神主降輿升座行初虞禮皇太子四拜奠帛酒讀祝三

獻四拜舉哀望瘞內官捧神帛箱埋于殿前焚凶器于野柔
日再虞剛日三虞後間日一虞九虞止至京先于城外置幄
次列儀衛鼓吹備而不作主入幄次百官五拜三叩頭神主
行百官從皇帝衰服迎于午門內舉哀步導主升几筵殿內
侍請神主降輿升座行安神禮皇帝四拜奠酒讀祝又四拜
舉哀皇太子以下陪拜百官行禮如儀明日百官行奉慰禮
卒哭用虞祭後剛日罷朝夕奠明日祔享內侍進御輦于几
筵殿皇帝衰服四拜舉哀興哀止內侍請神主降座升輦詣
大廟祔享皇帝易祭服詣御輦前跪太常卿奏請神主降輦
皇帝捧主入典儀唱太宗文皇帝謁廟內侍捧主皇帝行八
拜禮每廟俱同內侍捧主太常寺卿唱賜坐皇帝摺主捧神

主安于座行祭禮如時享儀太常卿奏請神主還几筵殿皇帝捧主出安奉于御輦皇帝易衰服隨至几筵殿前內侍請神主降輦升座皇帝入行安神禮畢釋服還宮明日百官素服奉慰大祥奏安神主于太廟仁宗崩皇太子還自南京至良鄉宮中始發喪宣遺詔文武官易素服迎皇太子于盧溝橋設幙次香案皇太子至常服詣次行四拜禮跪聽宣遺詔復四拜易素服黑翼善冠黑角帶至長安右門下馬步哭至宮門外釋冠服披髮詣大行皇帝靈五拜三叩首哭盡哀宮中自皇后以下皆披髮哭皇太子就喪次行祭告禮尙書蹇義等請祔廟後西角門視朝孟冬行時享禮鳴鐘鼓黃袍御奉天門視朝歲暮時享亦然禪祭後始釋素服從之孝宗崩

大行遺詔務從減省自辭靈至虞祔榮王陪列既而王以疾奏免捧帛朝祖皆帝自行發引親王送至大明門外在途臨奠護喪官行禮後遂爲例光宗卽位禮部請遵舊制以衰服御文華門視事百官素服朝參候梓宮發引除從之洪武十五年皇后馬氏崩京官人給布一疋製服斬衰二十七日而除服素服百日初喪第四日晨衰服入臨畢素服奉慰三日而止命婦入臨用麻布蓋頭麻布衫裙鞋去金銀珠翠首飾及脂粉外命婦同外官聞訃日成服三日而除軍民男女皆素服三日禁屠宰四十九日在外三日停音樂祭祀嫁娶百日軍民一月梓宮發引帝親祭于几筵百官奉辭其安厝皇堂皇太子奠玄纁玉璧行奉辭禮神主還宮帝復以醴饌祭于几筵殿自再虞至九虞皆如之卒

哭以神主詣廟祔享百日及小祥帝皆輟朝率皇太子以下詣几筵殿祭百官及外命婦進香皇太子親王熟布練冠九袞皇孫七袞皆去首經負版辟領衰見帝及百官則素服烏紗帽烏犀帶皇妃皇太子妃王妃公主皇孫女熟布蓋頭去腰經宗室駙馬練冠去首經成祖徐皇后崩輟朝不鳴鐘鼓帝素服御西角門百官素服哭臨三日成服二十七日止命婦哭臨三日世子郡王齊衰不杖期世子郡王妃郡主皆大功周楚諸王及寧國諸公主并郡王子皆服小功冊寶檀香爲之帝御華蓋殿百官列奉天殿丹墀鴻臚寺官引頒冊寶官行禮制曰永樂五年十月十四日冊諡大行皇后命卿行禮四拜畢序班舉冊寶案至奉天殿丹陛上置綵輿中出至

几筵殿尙儀女官詣香案前跪進曰皇帝遣太子太保淇國公邱福禮部尙書趙玘冊諡大行皇后謹告贊宣冊女官捧冊宣于几筵之右贊宣寶如之餘皆同洪武制正統中仁宗張皇后崩皇帝成服三日後聽政祀典皆勿廢親王以下內外各官及命婦哭臨如前儀衰服二十七日除軍民男女素服十三日諸王勿會葬外官勿進香臣民勿禁音樂嫁娶及葬遣官告太廟帝親奉太后衣冠謁列祖帝后及仁宗神位又奉宣宗衣冠謁太后神位其禮視時享世宗祖母邵氏嘉靖元年崩服除部臣請卽吉視事第母御中門不鳴鐘鼓從之仍免朔望陞殿旣葬四日始從吉嘉靖中孝宗張皇后崩帝不用舊制罷祭告及謁廟禮武宗夏皇后崩帝自云于皇

兄后無服用青服視事羣臣成服後不以素服朝參無几筵之奉當卽祔廟令皇后攝事世宗陳皇后崩從詹事翟韶議帝玄冠素服御西角門十日卽玄冠玄服御奉天門百官烏紗帽玄衣侍班奏事退出仍素服白帽二十七日而除葬儀從減損百官哭臨止一日罷辭祖禮穆宗母杜氏三十三年薨輟朝二日不鳴鐘鼓裕王主饋奠率妃入宮素服哭盡哀四拜視小斂大斂成服後朝夕哭臨三日後每日一奠二十七日止燕居斬衰三年柩出玄武門王步送出城祭畢還宮禮部奏皇妃焚黃儀或所生皇子及親王或司禮監官行禮皆拜獻酒跪讀祝乃參用上尊諡之儀改賜祭禮讀祝宣冊皆平立不拜洪武二十五年皇太子薨禮部議皇帝

當以日易月服齊衰十二日祭畢釋之百官素服入臨給衰
麻三日成服會哭其當祭祀及送葬者仍衰經以行在京停
大小祀事及樂至復土日止停嫁娶六十日在外官易服發
哀停大小祀事樂十三日停嫁娶三十日祭祀品物令光祿
寺供具百官致哀行禮成化八年懷獻太子甫三歲薨輟朝三日御西角門視朝不鳴鐘鼓祭用素食羣臣素服麻布經帶麻鞋布裏紗帽哭臨一日而除外官素服舉哀二日而除嘉靖二十八年莊敬太子薨輟朝十日百官如制洪武七年成服十二日而除罷詣門哭臨葬遣戚臣行禮貴妃孫氏薨無子太祖命吳王橚主喪事服慈母服斬衰三年東宮諸王皆服期永樂中貴妃王氏薨輟朝五日七七日日期再期皆祭贈謚冊行焚黃禮發引前期辭靈祭與初喪同啟奠祖奠遣奠各遣祭一壇發引日百官送至路祭所過

城門祭祀內門遣內官外門遣太常寺官下葬遣奠遣祭二壇掩壙遣官祀后土迎靈輜至享堂行安神禮遣祭一壇天順七年敬妃劉氏薨柩前儀仗內使女樂二十四人花旗雪柳女隊子二十人女將軍十一人

論曰觀明世宗之行事于其本生之親則厚之子其受統之君則薄之以恩而言世宗孝宗之猶子也其于武宗則弟也以義而言二帝者君臨天下歷數十年世宗且皆爲之臣矣夫臣事君猶子事父傳曰子雖齊聖不先父食魯僖公閔公之庶兄也閔公先立爲君而僖公嘗爲之臣及其薨也躋僖公于閔公之上春秋書之以爲逆祀世宗之祔興獻帝于廟也是亦魯僖逆祀之類

而已明之大統至武宗而中絕世宗不欲奉孝宗爲父
自謂繼統不繼嗣猶可言也至于張皇后正位中宮母
儀天下比于兩漢故事則宜尊爲太后者也世宗縱不
欲以母事之獨不當以君事之乎方后之崩禮部奏上
舊制帝謂郊社不宜瀆而罷祭告之禮及其朝祖祔廟
一切遣使代攝而不肯躬親行事甚矣帝之疏于后而
薄于其君也其後武宗夏皇后崩禮部復奏上舊制帝
曰朕于皇兄后無服夫世宗嘗爲武宗之臣矣今雖起
而爲君其于皇后則舊臣也焉有臣而不爲君后服者
哉魯僖不得加于閔公以其先臣而後君今世宗之于
毅后亦先臣而後君顧乃宴然無哀戚之情無几筵之

奉所謂禮緣人情而爲之制者豈若是乎甚矣帝之疏
于后而薄于其君也